

## Universitätsbibliothek Paderborn

### **Mirabilis Vita Venerabilis Virginis Marinæ De Escobar Vallisoletanæ**

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Cap. 20. Quomodo illi Christus Dominus paulatim manifestaverit, in primis  
mysteria suæ humanitatis, ac deinde secreta fuæ Divinitatis, suumque  
nomen ineffabile, & quâ ratione his gradibus ascendatur ...

**urn:nbn:de:hbz:466:1-38580**

## CAPUT XX.

Quomodo illi Christus Dominus paulatim manifestaverit, in primis mysteria suæ Humanitatis, ac deinde secreta suæ Divinitatis, suumque Nomen ineffabile, & quâ ratione his gradibus ascendatur ad tam sublimes visiones.

**S**equens visita instruit deditos Orationi, quo ordine illis sit progressendum ad res tam sublimes, non evolando statim ad summam; sed sensim procedendo per gradus, factò initio à Mysterijs minoribus, considerando in primis qua sunt exteriora Christi Domini, deinde interiorum Cordis ipsius & amoris, ac postea dolorosissimam ejusdem Passionem, donec se eorum reddant particeps: tunc enim erunt apti, ut ascendant ad summum gradum, & arcanum ejus Divinitatis, gloriæque aeternæ. Ita evenit Venerabili Marinæ in decursu vite ipsius, quod in hac visione magis exprimitur. Sic vero ait:

## §. I.

**A**Gens quodam die cum D E O circa festum Nativitatis (in Decembri anno 1621.) more solito, rogavi ipsum, ut me dignaretur auferre ex hac præsenti vita, si esset ejus voluntas, dixique illi: Mi Domine, Tua Majestas scit, qualis sim, quodq; nullum progressum in virtute faciam: post tot annos, quibus dego in hoc exilio, jam mecum actum est: saltem ne amplius peccem, & nè te offendam, bonum esset tandem finire. Dum ita orarem, immisit mihi Dominus dolorem pedum & manuum, qualem mihi solet tali tempore immittere, quamvis moderatum; & vidi subito Christum Dominum in specie ac habitu, quo versabatur inter homines in mundo, & est, qualem alias descripsi. Salutavit me, dixique mihi: Anima, quid nunc animo volvis? Ego illi respondi, petendo ab eo idem, quod dixeram, quando ipsius Majestas advenerat. Tum me

Dominus est valde solatus, & animavit, atque postquam alia quædam dixisset, vidi quod haberer brachium pendulum. Elevavit autem illud, posuitque manum expansam ante suum Divinum pectus, & vidi vulnus sanctissimæ manus ipsius, quod non erat adeò magnum, neque apertum, sed instar nummi, quem regalem dicimus. Postea amovit Divina Majestas manum, & aperuit pectus, ubi conspexi ipsius sanctissimum cor admirabiliter, abique apertura vestis, vel Corporis, sed acsi illud viscerem intrà vitrum. Erat pulcherrimum, instar elegantissimæ gemmae, & prodibat ex eo quidam splendores ac radij Divini, pertingentes usque ad meum cor, communicantesque ipsi magnam illius virtutem, & amorem ardentissimum, ac maximum erga homines. Ita modicum sum fructa hæc Divinæ communicatione, & Dominus reposuit manum extensem, ad suum pectus, texitque cor. Rogavi Dominum, ut dignaretur, si ipsi placeret, me auferre ex hac præsenti vita, & facere, ut morerer absque doloribus, qui me distinxerent, ac impedirent, nè obirem quiete. Quod mihi Dominus concessit, dixique: Ubi hoc tempus advenerit, ego occupabo spiritum tuum, atque, ne priveris ulu fessum, abstraham tali raptu, ut te non perturbent dolores, utque audias, ac intelligas. Et datâ mihi suâ sanctissimâ benedictione, desij tum à me videri.

## §. II.

**P**AULÒ post ingressus est meum cubiculum quidam sanctus Angelus, gestans in manu elegantem ac speciosum corbiculum, intrâ quem ferebat quædam cimelia, omnia coopertissima floribus. Et cum veni-

venisset ad meum lectum, uno genu curvato mihi dixit: *Serva DEI, accipe hoc munus, quod tibi mittit Dominus Maje-*  
*statis. Ego valde extimui, & dixi: Domi-*  
*nae Angele surgat, nè hoc faciat, quia*  
*sum magna peccatrix, ac vilis creatura*  
*DEI. Diu disceptavimus; ipse tamen*  
*noluit surgere, imo me multum animavit,*  
*ac dixit: Soror, noli turbari (eram enim*  
*vehementer turbata) sed bono animo e-*  
*sto: cape & accepta hoc munus, quod ti-*  
*bi Dominus mittit. Ego tota perplexa,*  
*extendi manū ad ea, quæ habebat in cor-*  
*biculo; & quamvis illa vellem apprehe-*  
*dere, non poteram, quia mihi elabeban-*  
*tur ex manu, vel quod essem tantoperè*  
*turbata, aut quia sic fieri permittebat DE-*  
*US. Tandem ea reliqui; ita ut nec scive-*  
*rim, neque viderim quidquam. Sanctus*  
*meus Angelus Custos, qui aderat, & qui-*  
*dem ad caput mei lecti, dixit Angelo fle-*  
*ctenti: Angele DEI, surge. Hæc serva*  
*DEI est turbata. Da mihi istum corbicu-*  
*lum, & hoc munus, quia ego illud susci-*  
*piam nomine ipsius. Sanctus Angelus sur-*  
*rexit, & recessit unā cum Angelo meo Cu-*  
*stode, locutique sunt simul secreto, me*  
*ignorante, quid loquerentur. Meus Cu-*  
*stos suscepit corbiculum, & ambo simul*  
*venerunt ad me cum alijs quinque meis*  
*contubernalibus Angelis. Idem Custos*  
*meus aperuit corbiculum, & vidi in illo ad-*  
*ferri tres clavos, quibus Dominus fuit cru-*  
*cifixus, madentes ipsius sanguine, atque*  
*per speciale lumen, quod mihi Dominus*  
*ad id dederat, vidi & agnovi esse illos ipsos*  
*clavos, quibus Dominus fuit confixus, qui*  
*ex mera sua infinita bonitate mihi voluit*  
*præstare istum favorem, & gratiam, quam*  
*nunquam promerueram. Vidi ipsos, &*  
*adoravi, cum maximo meo solatio. Tum*  
*sanctus Angelus meus Custos apprehendit*  
*meam manū, & ille Angelus accepit u-*  
*num clavum ex tribus, transfixitque eo*  
*meam manū, aperiendo foramen anti-*  
*quum, quod in illa habebam, & erat quasi*  
*clausum. Ac deinde accepit alterum cla-*  
*vum, & idem fecit in altera manu. Post-*  
*ea accepit tertium clavum ad suam manū,*  
*tradiditque illum sancto Angelo *Parvo Pa-**

*nympho*, quem ille Angelus arripuit, eo-

que aperuit utrumque foramen pedum, in  
 primis in planta cuiusque pedis, ac deinde  
 superne. Et in isto clavorum contactu  
 fuit commixtus sanguis mei Domini cum  
 meo, ita ut clavi tingerentur meo sanguine,  
 & vulnera perfunderentur sanguine,  
 quo madabant clavi mei Domini. Li-

cet verò senserim dolores in pedibus, &  
 manibus, non fuerunt tamen tanti, quan-

tos alias patior, sed suaves, & pleni solatio:

Dominus enim solebat antiqua vulnera  
 occludi, atque dolores supernaturales to-  
 lerantur tanto cum solatio, ut confortent,  
 & minus sentiantur, quam ij, quos ordi-  
 nari patior. Hoc peracto, clavi fuerunt  
 repositi in corbiculo, quibus receptis, An-  
 gelus mihi dixit: *Anima, quid vis nuncia-*  
*ri Domino, qui tibi præstítit hanc miseri-*  
*cordiam, & tantam gratiam? Ego respon-*  
*di, me reddere Divinæ Majestati infinitas*  
*gratias pro magno beneficio, ac misericor-*  
*dia mihi præstita, neque exosculari ipsius*  
*sanctissimos pedes. Ita se expedivit à me*  
*Dominus Angelus, & abivit.*

## § III.

**P**AULÒ post vidi rursus Christum JE-

SU M Dominum nostrum satis diu,  
 qui se deinde subduxit meo conspectui.  
 Reperi autem me coram Majestate Domi-  
 ni DEI, qui mihi comparuit absque ulla  
 specie & figura, neque secum univit quâ-  
 dam unionem valde Divinâ, & arcta, atque  
 ita unitam eduxit ad aliam altitudinem  
 valde eminentem, ubi mihi per suum spe-  
 cialissimum lumen ostendit magnalia sui  
 Divini Esse, Bonitatis, & Misericordiæ,  
 nec non bona, quæ pro me asservantur in  
 cœlesti Gloria, aliasque res tam admirabi-  
 les, ut illas cor humanum non capiat, ne-  
 que possint exprimi, nisi dicendo: *Est ali-*  
*quid amplius, quam hoc. Obstuui, fuiq;*  
*atronita, & quasi mihi met erupta, dixi illi:*  
*DEIUS, & Domine mi, quod est nomen*  
*eius? Dicat mihi: An, Rex Regum, & Do-*  
*minus Dominantium? Omnes tituli sunt*  
*inferiores ipsius dignitate; neque inveni-  
 ebam, quomodo illum compellarem.*  
 Tum mihi respondit Divina Majestas :

*Ego*

Ego sum, qui sum, & hoc est Nomen meum. Solus ego à me, & ex mea essentia habeo, quod sim. Licet verò essem intra hoc summum, adeoque Divinum Bonum, nihilominus, quando me vidi tam elevatam, timui, dixique in animo: si me DEUS hinc dimitteret, quid fieret? annihilarer. Et Dominus respondit meæ cogitationi: Bene dixisti. Universæ creaturæ à me dependent, & omne ipsarum esse pendet à mea Providentia; ita ut, si illas desererer, redigerentur in nihilum: verum tu noli timere, quia te non deseram. Addiditq; Dominus: Aspice illuc versus. Conjeci oculos ad eam partem, quam mihi Dominus designaverat, ac aspexi procul. Et cum mihi appareret maximum quoddam spatium, quod quam longissimè extendebatur, & erat admirabilis cuiusdam coloris, vidi quasi in quadam æternitate Divinam mei prædestinationem, quâ me ab

æterno DEUS prædestinaverat. Rursumque mihi dixit: Noli timere, quia non deseram. Et datâ mihi suâ sanctâ benedictione, disparuit.

*Ex hac visione patet, quomodo DEUS sensim elevet ad unum mirabiles visiones. Parte autem procedit in reliquis elevationibus spiritus. Quâdam vice, aut, elevavit Divina Majestas meam animam, abrupteque illam modo quodam valde inuitato. Videbatur mihi ex meo pectore, & toto corpore prodire quidam vapor, instans lucidæ, delicatissimæ, & subtilis nubecula, quæ paulatim & suavissimè ascenderet sursum, taquam aliquis fumus suaveolens incensi, donec perveniret ad thronum Divinæ Majestatis, & ad ipsius Divinum pectus, atque cor, cùmque ibi substitueret, cum magno meæ animæ solatio, sensi intelligentia bona.*

(20) \* \* (21)

## CAPUT XXI.

Quomodo illam DEUS deduxerit per terribiles scalas ad quendam profundissimum locum, ostenderitque ipsi modum iudicij finalis, & infernum, atque cœlestem Gloriam: ut agnosceret mala, à quibus liberantur ij, qui pro DEO patiuntur, & bona, à quibus perfruuntur.

**P**AUCAS habuit revelationes Venerabilis Marina de JUDICIO, & INFERNO, quia illam DEUS magis ducebat spiritu amoris, quam timoris, & quando ipsi spectanda exhibebat ista horribilia, non faciebat id quasi intemendo illæ minas, sed prestante beneficio, ut videret, à quam horrendis malis eam libernet, utque suis orationibus, juvaret animas viventes in periculo, nè illa incurvant.

### §. I.

**I**N primis, quâdam vice illi ostendit terribiles scalas, differentes à reliquis, & post has modum, quo instituendum est extremum iudicium, istâ occasione. Duni mihi vi-

derer quodam die, inquit, esse proxima meæ morti, dixi ad DEUM cum magno animæ meæ affectu: Mi Domine: beneficerimus, si iniverimus rationem peccatorum, ac defectuum, quos commisi adversus tuam Divinam Majestatem, nec non gratiarum, & misericordiarum, quas suscepimus ex tua Divina manu. Cùm id dicerem, occurrit mihi, disponente Domino, ille versus Psalmi Davidici: Non intrabitur in conspectu tuo omnis vivens. Tum dixi Divinæ Majestati: Mi DEUS, nihil aliud magis opto, quam ut me immergeam in mare tuarum misericordiarum, & in flumen sanguinis Christi JESU Domini Nostri, ubi eluam mea peccata. Intera audiri me vocari à sancto meo Angelo Conducto,